



COLEGIO ARUBANO

R.K SCHOOL VOOR CICLO BASICO,
CICLO AVANSA, V.W.O EN H.A.V.O.
VONDELLAAN 14
TEL. 5822005 / 5822684 / 5831373 / 5828930
FAX: 5832676, ARUBA
E-mail: info@colegioarubano.aw

Na alumno di Colegio Arubano y nan
mayornan/cuidadonan

Oranjestad, 14 di augustus 2020

COLAUA: 2020/2021-006

Topico: Habrimento di aña escolar 2020-2021

Apreciabel mayor/ cuidado y alumno,

Nos ta travesando momentonan straño, nobo y duro pa nos tur. Na momento di skirbi mi carta siman pasa, Aruba tabata conta cu 5 caso nobo di contaminacion. Entretanto, e cantidad a subi considerablemente hopi lihe te na 776. Ademá, e noticianan relaciona cu e medidanan cu mester tuma, ta sigui otro hopi lihe. Mi ta sali di punto di bista cu tur loke mi notifica den e carta aki ta sigui, sinembargo mi ta tene cuenta cu kisas otro siman nos por ta un otro situacion.

Prome dia di scol

E prome dia di scol lo ta dialuna 24 di augustus. Riba e dianan 20 y 21 di augustus, e docentenan lo tin dia di estudio tocante *Digitalisering in het onderwijs (Digitalisacion den enseñansa)*. Na e manera aki e docentenan ta haya conocemento pa asina nan por cuminsa cu uzo di medionan digital. Si sosode cu debi na e situacion actual tur hende mester keda cas, e lesnan lo por sigui mas tanto posibel riba distancia.

Mitar klas of klas completo

Esnan cu a sigui noticia, por a tuma nota cu e scolnan lo habri bek 100%. DVG a diseña un protocol pa e apertura di e scolnan. A pesar cu den e protocol ta stipula cu e alumnonan no mester mantene distancia di otro, nos como scol si lo percura pa e alumnonan mantene mas tanto distancia posibel di otro.

Den e mesun protocol tambe ta stipula cu den enseñansa pa adulto pa e personanan di 18 aña bay ariba si mester mantene distancia di otro. Colegio Arubano ta conta tambe cu alumno di 18 aña bay ariba. Acerca ta bin e echo cu na Aruba tin caso di contaminacionnan bou hoben di 15 aña bay ariba.

Pa tur e motibonan ya menciona, a yega na e siguiente decisionnan:

- E alumnonan di CB1 y CB2 lo ta 100% di tempo na scol;
- E alumnonan di H3, H4, H5, V3, V4, V5 y V6 lo ta 50% di tempo na scol.
- Cada klas ta haya nan mesun lokaal. E docentenan lo cambia di lokaal. Pa e materianan practico esaki no ta semper posibel, pues e klas lo mester cambia di lokaal;
- E organisacion den e lokaalnan lo ta den forma di evaluacion (toetsopstelling) pa asina crea espacio entre e alumnonan;
- Tur les lo sigui segun rooster;
- Tur hende ta obliga pa bisti un tapaboca. Durante comemento/ bebemento por kita esaki un rato;

- Tur alumno ta trece nan mesun cuminda/bebida di cas;
- Lo ventila e lokaalnan durante ora di scol, durante pauze y despues di scol. E bentananan di e banda Emma ta substitui y por habri;
- E personanan cu tin sintoma di Coronavirus ta keda cas y ta test;
- E personanan cu ta cay den e grupo di risico ta keda cas.

Mitar klas cuminsando cu vwo/havo 3

E alumnonan di di tres klas bay ariba ta bin scol pa mitar di e tempo. Tur klas lo ta parti den dos grupo, di tal manera cu no tin mas cu 14 alumno den e lokaal. E otro mitar di e klas ta keda cas y lo bin e siguiente dia. Di e manera aki, despues di dos siman, tur alumno a haya les riba cinco diferente dia.

Ta keda na e docente pa dicidi con e ta organisa su lesnan. Por pensa na duna dos biaha e mesun les na tur dos grupo, pero tambe ta posibel pa traha na un manera hibrido, den cual mitar di e klas ta haya les fisicamente na scol y e otro mitar ta sigui e lesnan via coneccion di video na cas. Den e prome escenario ta pone mas enfasis riba e instruccion y menos riba trahamento individual den les, mientras cu den e di dos escenario e lesnan por sigui na un manera mas balansa.

Rooster

Actualmente, e grupo encarga ta trahando duro riba e rooster. Unabes cu ta cla otro siman, lo pone esaki riba Magister y riba nos website.

Boekenfonds

E siman aki a cuminsa cu e distribuicion di buki via boekenfonds, den forma di *drive thru*. Te cu awo esaki a cana bon, danki na e ayudo ricibi di diferente boluntario.

Masha danki!

Pa algun mayor por tin un ke otro confusion pa cu e listanan di buki. Riba nos website por haya e listanan di buki provisional. Esaki por duna un bista robes. Mas despues bo lo ricibi un factura di solamente e bukinan cu bo a ricibi. Si bo tin pregunta, tuma contacto cu scol via un di nos numbernan di telefon, cu bo por haya ariba, den e carta aki.

Mayor, cuidado, alumno, mi ta conta riba bo cooperacion y comprension pa hunto nos haci di e aña aki uno exitoso pa tur. Di nos banda, e team di Colegio Arubano ta trahando duro pa hunto nos logra.

Den transcurso di otro siman, mi lo manda un carta atrobe, informando bo di e ultimo desaroyonan.

Saludo cordial,
den nomber di schoolleiding,



T.R. Croes M Ed
Rector